

奉天通志卷二百三十二

藝文十 文徵

文徵四 內編 文

李鐸

字鐵君鐵嶺漢軍鑲白旗人

原易自序

易之道中而已矣中之用時而已矣此其君宗也至其剛柔往來貞悔錯綜德以位變象以數移又其密也然畫之為象也渾渾齋齋沈茫曼漶睇而視之若有所遇若有所亡其為辭也曲而中肆而隱豢不泥乎一義象不蔽乎一端遠必有旨微必有歸而廣衍宏深旁通曲引有難言之矣故孔子繫以辭闡其幽也舍繫辭而論易譬涉大川以亡其舟淪胥而已二千年來從而釋之者數十

奉天通志

卷二百三十二

藝文十 文徵四 內編 文 清二

一

百家顧有騰越以騁高論深入者有辨析不真洵穆寘之者有千慮輪轉轉擯平易者有跬武弗失緣飾相承者有索之無絲闕疑以俟者易誠難言之矣夫比類屬事因象著理設其近趣用通神明固在來者繫不云乎引而伸之觸類而長之予小子是用卽孔子之傳求其所安卦衍其辭爻不備義取疏餘蘊於程朱之外測日得影導河分流亦伸其一得云爾若夫蹈陳而同趨異而鑿所不敢也

文八 旗 經

春秋通義自序

經傳春秋三傳之所自出也傳所以翼經遂與經而行事詳左氏義精公穀傳各有師承焉顧漫漶騰說與浚以深入往往與經倍傳立而經亡亦其弊也然則學者將奈何曰通之而已矣通之奈

何曰屬辭比事原始要終因傳以求經因經以求義則其義周其理該其旨宏密而其歸趣婉而盡庶幾其說不曲不鑿不異不詖十得五六焉二三焉期於中之而已譬夫指薪以求火則火亡舍薪以求火則火妄通之之爲貴矣解春秋者數十百家習此駁彼護前斥後鍼膏肓起廢疾訟言無已至啖助趙匡始設疑信陸淳張洽始暢新義劉兆胡訥始合三傳以求解遠趣近尋之效也或曰近事曰治遠事耳治仲尼因舊史作魯春秋異辭有三亦以立定哀而遡游故也三傳左氏最近公穀次近通春秋舉有疑焉將無遠近易寘耳目異治乎曰事有遠近理無二致諺有之索甘浚井索驗測景荀曰索之於高深乎何有作通義十五卷特筆一卷

通論一卷凡十七卷

上同

奉天通志

卷二百三十二

藝文十 文徵四  
內編 文 清二

二

### 尙史序傳

錯生於蜀年三十有六歸休乎盤陰父母生之我后長養之天地優游之故當壯盛得離跂佻儻肆厥志盤陰虛無人樵爨之隙覽古高遡時讀舊史有蘊而隱精鑿而佚疏而互紊而乖迕者輒香羣書研幾之匹夫挾移山之愚矻矻十有六年成書七十卷始雍正庚戌訖乾隆乙丑又三年戊辰而具錄成表藏之盤陰牯牛精舍

繫本宗緒道統原始生標殊尊羣族分理如元在首爰定四體注源疏流用正替亂作世系圖資始

運孚幾張鑿畫漏書道光乎天器前民用神明斯在遠覽則誣德隆乎乾氣隆乎春后隆乎軒轅作黃帝本紀第一

天運無迹歸權聖詰實立虛行遂用開物散醇不澆任情理達繼  
邃古而爲治莫尙乎五帝作五帝本紀第二

孝慈有歸天德不以私宅憂居泰敢有貳志四載云勤粒民孔佺  
緡燼不燬天祚民懷何離之明履癸則夷作夏本紀第三

殷道蕤蕤數有興替逮元子受大命是隊聖敬集仁辯智益昏司  
徒之教卒或未泯而佼童不信作商本紀第四

三王基命武建皇極宣德克纘棄禮爲戾承乘淫昏內虹外掇亡  
堅不崩失我西邑作周本紀第五

周德凌遲東遷守器帶朝徼亂惠襄震厲朽索馭馬宜顛厥乘王  
赧弁髦卒斬姬祀作周本紀第六

湯武嶽嶽取逆守順秦乖其方失不轉瞬五德之運比諸位閏作

奉天通志

卷二百三十二

藝文十 文徵四  
內編 文 清二

三

秦本紀第六附

六相宣化羣司效績調齊陰陽品鷲羣彙用剖顛蒙滋創物始心  
尸厥中耳目不忒維聖立則官事以律作軒轅諸臣列傳第一

重黎司正絕地天通虞則有若十六族叡哲通明若乃六沴蕩和  
兇慝間聖有若四兇亦不殄於世作五帝諸臣列傳第一

天不厭夏德火復於燼旣其厭之湮迹於猛彼靡與逢亦從其遇  
作夏諸臣列傳第一

責難格心維阿衡傅巖傷哉三仁直武丁太戊將媿二傅豈唯五  
臣作商諸臣列傳第一

以仁伐暴易建有周翹翹新室致難於綢繆時洎厲宣支吾崩侈  
棟榱備具而侏儒是使作周諸臣列傳第二第三

內難迭乘皇輿敗績誰其復之宗臣在卽富辰不逃死忠以辟懟  
萇弘不逃死祇益厥罪作周諸臣列傳第四第五

元聖受玉嗣以禽父郁郁周禮盡在夫魯矣迺伯御逆命桓宣弑  
攘毀防踣表蕩其遺矩僖公以僭昭德逾望而郊元祖不享淫祀  
天寧或享非禮作魯世家第一

唐叔之封實秉王命曲沃末大五侯不獲考釋之弗誅寶器賂成  
以貳教矣新城之共有視夫哀侯於翼固舊令夫作晉世家第二  
營邱專征報政最速桓昭舊職兵車九合逮夫志驕葵邱氣奪社  
席蠱生溼淫蠹蝕腐朽五子參商一蹶不振霸者歸趨難爲其後  
如是作齊世家第三

商受酌酒妹土化之酒誥告封抑戒次之武公之德比蹟乃祖迨  
奉天通志 卷二百三十二 藝文十 文徵四 四

內編 文 清二

父子爭國倍滅天紀天生失枋諸侯無討王伯迹熄食息而已作  
衛世家第四

聖嗣道統不私大物薤味植仁得我微子甫舁白馬用備周恪宣  
穆親親召亂蒙惡譬酒云薄匪鳩爲虐作宋世家第五

濟洛河潁寄地十邑鄭桓雖隕厥土滋廣僑佐二君典刑用輯兩  
介大邦代服交歆作鄭世家第六

連衍陸終終永厥世荆楚之承每在其際武文旁略莊震中夏爭  
鄭難晉火烈上熾猛勢弱秦卒藉三尸作楚世家第七

秦伯讓王祚以句吳季子似續顧啓後憂不協比夫鄰國沼越仇  
作吳越陳蔡世家第八

周綱未弛狎執牛耳晉楚要盟心競以力諸侯執玉中判南北亂

絲棼如十手不得其理作曹滕杞薛十世家第九

君奭分陝東民愛之旅獮之誥聖謨類之嗣君無聞自外於春秋  
彼噲外禪鴟傲鳴鳥祇傳天厲作燕世家第十

圓穿運軸重權移衡柄臣上蝕屋覆主社王逋其征民忘其情前  
識之明有徵於君子作三晉田齊世家第十一

柏翳種德遠豐其穫周遺秦禽腹厭噬嗑山穴虎豹不斥林木六  
國不并庸少假息作秦世家第十二

展臧公族詒謀肫肫季世不匱振溺扶顛三桓公忠維成季穆叔  
胄子不右椽喪恐後作魯諸臣傳第六第七第八

桓友五臣威樹伯勤承以三壬猾中而躡景則殊用以據說體以  
嬰說國雷霆之擊獨震於南史氏作齊諸臣傳第九第十

奉天通志

卷二百三十二

藝文十 文徵四  
內編 文 清二

五

晉多舊氏布列卿佐欒郤覆前范荀踣後禍有由來矣迺叔向貞  
諒食我斬祀天祚淫人每毒善類其道何繇作晉諸臣傳第十一  
第十二第十三第十四第十五第十六

子魚好修不替前美蕭叔高哀亦其選也華元樂豫純職未粹瞽  
史有能相備箴慧作宋諸臣傳第十七

聖不接踵賢不比肩君子作朋衛材振振孫甯細隙乃動於惡仁  
暴異趣用穢舊德作衛諸臣傳第十八

鄭十一穆錫類蕃衍軼其倫者一二而已卓哉子產靖共豈弟諸  
侯之士無有其比作鄭諸臣傳第十九第二十

廣澤包物大國富耦叔敖子文諸梁郤宛光烈赫利競南楚若  
乃申伍同好覆復異旨行意各得周而不比矣子蘭斬尚舌出廷

惑懷沙之臣望龍門而延竚又其絕行作楚諸臣傳第二十一第二十二第二十三

不義不暱濟欲斯貴積姦成風彌漫天下守節獨立聞子臧之義洩治殺身蒙慘獄近文致作陳蔡曹莒邾諸臣傳第二十四

天命靡常德克則勝人謀鬼謀匪奇惟聽員詔同出不合而攜汪浮鷗夷臺則有鹿作吳越諸臣傳第二十五

師處友處郭生與子方干木足任之矣作燕韓魏諸臣傳第二十六第二十七第二十八

頗武傷憇括武傷謾憇僅失身謾且覆國虞卿逃祿仲連逃賞矯亢卓踔翱翔乎聖域之外乃婦人持國輯鄰攘敵有惠后與君王

后作趙田齊諸臣傳第二十九第三十

奉天通志

卷二百三十二

藝文十 文徵四  
內編 文 清二

六

軌物典則彌綸賅備先聖之法百王不易軌斯盜聲矢志繆盤俾淳古不復馱從其弊作秦諸臣傳第三十一第三十二

大而化運而神撫之無迹擴之無垠使得其位而亦堯禹而已矣天固抗其身崇其道一時詘之萬世信之至孔子而極作孔子列傳第三十三

親炙孔子幾於無間莫從容乎顏子私淑孔子淑離不搖莫踔絕乎孟子淳龐廁中得左失右偏智膠固恟悅自恣莫馳驟乎諸子作孔子弟子列傳第三十四第三十五諸子列傳第三十六

揣摩架空微離攝媾哆侈詆謔俯仰反覆使主權游移中智恟愁權輿乎蘇張倫脊不乖奪欲以理深切坦易於陳軫爲正作說客

傳第三十七第三十八

道有統示無二也帝有統示無上也自黃帝訖武王舉以帝紀統作五帝三王世表第一

周大封建藉茅班瑞同姓之侯親疏以德畛其疆場其有等夷之國彫劫湮沒如聃郟豐雍莫可論次作同姓諸侯年表第二

異姓之侯賓則三恪陳杞後宋自戾於薄桓桓尙父粵爲周師青旗蒼玉奠彼東土爲冠宜矣作異姓諸侯年表第三

秦據金虎猛噬關左背膺判合卒爲所取乘馬弱矣六之則疆汲綆短矣交之則長善不在秦六國自淪於敗作戰國諸侯年表第四

大明無隱大健不息大信不忒天德固若是矣顧日踐月更不爽分秒野人布策睽暘得之神化無方蓋不若是積微成差積盈虛

奉天通志

卷二百三十二

藝文十 文徵四  
內編 文 清二

七

成閏積久斯驗作天文志第一

鼓暗沈陰絃急暎火感應自近氣交中通天人之際理不可誣作五行志第二

維禹荒度導山與川洎周職方氏掌其方所司徒之屬典其程則其或理窒脈壅則山崩川移九州分合形便廣隘不關於私作地理志第三

玉帛羔雁庀之以器周旋揖讓從之以文朝聘會同饗祀彤禋正之以用而上下有章疏數有節吉凶有迪本原於是三代昭德奠功損益不倍夫本作禮志第四

函中以誠元氣被物遠近與天地同和鳥獸率舞肆注之八音虛中和應爲樂之至作樂志第五

程竹量黍軒轅制始以正中聲來哲泥之豐齋失時的安從準比陰協陽往來上下觀易可以知律作律呂志第六

兵者約寡於衆一整於散挈懦於勇步伐止齊以律誅無道戢暴亂德沮義格乃專爲用作兵志第七

未然藉禮已然致刑刻肌膚斷支體怵以上服懾以痛楚揭以恥辱而重輕布之期於不肖滋懼中人以免畫寀教不入陷之則失作刑志第八

君子食人小人食力不班之法無均懼爭是故平土畫畛畷山林約之公田上貢教之義私田自養教之勤授田不畀杜其貪法至周也作田賦志第九

中古以降迺著姓氏一本原之親疏殺之族類別之立祖禰辨昭奉天通志

卷二百三十二

藝文十 文徵四  
內編 文 清二

八

穆致烝嘗通昏因敦仁樹義卽物崇禮暱不偏於瀆遠不入於薄違則肆罰作氏族志第十

### 石東邨詩序

士君子得時則大行不得時則龍蛇卜子夏田子方其人乎不踟險艱載道以游逶迤之懷固有在也逮漢董子尙其廁之賈生則廉劔兼厲用促厥生傷哉若乃展禽仲連同塵汚塗慷慨絕俗亦足以處明夷矯當世嗟乎數君邈矣予安往從之哉石君東邨志古者也尙氣節好讀書善處骨肉之閒而周朋友之急穆乎有數君之風家本貴游比者日困阨走衣食勉旃東邨今而後徵子所存夫語有之孔尾雞口詘前羸後獨不見夫千鈞之弩乎穀而不張曾不足以發蓬矢惡見其一激而逾西霜之山也東邨工詩歌

周章坎壈中無齷齪語弼中彪外具見一端云

### 陳石閭詩序

郎邪古郡也石閭陳君之先士著於此旣而遷遼又從入關其籍郎邪與遼與入關皆與我先世同所謂世同里閭者然而不相識也歲甲辰讀石閭詩於楊生醫肆中因藉楊爲紹識其兄弟伯氏矯健仲氏篤摯季則清峭他弱弟疑疑皆可喜黃琮蒼璧照灼一室何其盛也未幾仲氏中折二方競爽人三爲衆鬼神忌之固常道乎石閭兄弟遂潦倒落拓迫憂患而日益貧石閭乃仔肩外事內庇一切皎然不爲外境奪嘗少游江東中歲居幕府復游走天下汲汲無暇日又不以旅食廢所業錯於是益有以知石閭嗟乎人固自立何如耳使有所立天之厄我適以資之磨礱龍輔固重奉天通志 卷二百三十二 藝文十 文徵四 內編 文 清二 九

其寶信哉先是錯與石閭兄弟游風雨晨夕或無閒今隔別且六年矣聞其齒落髮白行將老矣而其造詣必更有進於初者不及此出所業以聞世使天下後世皆有以識石閭不且有遺憾哉石閭好古其詩如頌鐘雅瑟淩淩乎其大雅之音聞之而欲寐者庸有之然不見擯於文質矣 上同

### 睫巢後集自序

野人居草澤甚無事遇物而孚輒行歌以遣興然老眊得便隨手棄所記錄者歲不過四五千言初誦之若可喜經時自惡其惡又削其三之二焉所存旣寡其造詣且不逮疇昔之我古人無論已胥臣云學如川然必邛浦而後大予之邛浦也久矣轉就隘焉悲

夫鷹青山人李錯自識

睫巢集

陳石閭選詩序

伏乎兩間假物而鳴者曰音音者自然之聲也邃古之初聲載音而已文字立乃有詩歌軒黃以還類多作者其信不未可知然多古穆之音三代迄漢則淵而雅宏而肆琅琅乎可誦矣時再降靡曼旖旎之聲幾作而元音幾亡雖然薪窮火傳音豈異之惜學者趨其末流析木不以移徒矻矻也石閭陳子有志於古爲詩歌絕不作近語又欲以其所得者覺人而援俗於是乎上自軒轅逮唐初盛彙爲一集盡辟夫恣滯淫蠹之聲以振復其將墜嗟夫惟君子爲能知樂爲其能通夫音之微也是集也世有君子從之亟矣

文八  
經旗

送陳橘洲之古北口序

奉天通志

卷二百三十二

藝文十 文徵四  
內編 文 清二

十

陳生應制科不第跨羸馬冒風雨徑赴古北幕余祖道東門進卮酒陳生曰請爲子賀陳生笑策馬去傍客怪之曰異哉夫技售者喜數詘者憂人之常也有憂而賀喜將弔乎主矯媚之客矯喻之何其僭也曰否是非子之所知也曷觀夫釣乎投盈寸之餌引竟尺之魚餌則喪矣然而得魚得固有勝也且一擊不中瞥然去之蒼鷹之奇也陳生去古北亦瞥然而已矣吾聞古北邊塞其山川多雄奇陳生往來關河隄塞間固有以振發其崎嶇磊落之氣又所主得碩儒頗能資其學吾爲陳生喜故賀之是非子之所知也陳生旣行因緘所答辭以報陳生卽用以爲贈言也

同上

鎮安將軍馬公告身跋

易在師之上六曰大君有命開國承家九二則曰在師中吉王三

錫命鎮安父子子常後先南服以丈人之德秉天子之命毒天下

而順之宜其勸功典策宣昭令問如易之辭而孚乎元吉也初滇之亂先大夫亦以特簡任司臬戢亂辟服叛懷貳以鎮安尤獨至嘗曰鎮安其有後乎今中丞既嗣功其兄匯川襲父蔭辭疾不受職樂讀書以通儒名武烈具舉而文以終之鄴稔之美不踰於是矣上同

與陳橘洲書

錯白上橘洲足下三月望日經傅家山流覽大略前書已麤報四月四日再至山下孤游久之屋三間而已屋南亂石齒齒立故屋址也址南垣垣外爲他人圃所謂城壞卽壓齊境者也圃南坡坡乃屬我坡中皆栗雜以杏由凍而甦者柿四本方綴芽於條如土

奉天通志

卷二百三十二

藝文十 文徵四  
內編 文 清二

十一

遭多故而老氣不折坡下沙坂平衍可十餘畝居人犁爲田種繇與稷坂西水激幽籟注澗中稍凹遏以防可引入坂灌蔬若果任土宜冀必美今春寒穀雨後坂中桃十餘本方與稚梨並作花李最多有數十百株然花落實亦不甚結生物滋長之難乃如此周游坡坂間凡三四陟降老樵力憊經樹而憩最後坐大杏下微吟懷思之章倦復枕石睡旣醒乃有得而日已旰矣度其勢於村頗隘於野頗曠而僻足下結茅讀書其中一邱一壑卽此亦殊不惡然能再張之直可聚族而居果子春之願矣上同

贈忠武將軍周公碑記

公姓周名遇吉遼東錦州衛人營州之墟蒼龍漏精溟渤噓氣雲蒸焱舉而公生焉有明失馭寇盜亂紀鼠齧蠶螫合離無常公起

家寧遠勦力戎行累樹懋績崇禎十三年擢同知總兵官援剿河南屢大破賊擊敗李自成禽渠魁朱連李清山俘諸京師公一誠  
浹中五德備具用能天弧準狼有發必中賊懲威稜凶燄遠戢十  
五年作鎮寧武公以國家丁搶攘之會黔黎枕萑苻之憂以爲所  
恃在心匪險與馬於是倡勇揭義作氣厲忠是以葺爾三關嚴障  
萬里明年正月賊犯太原公飛馳赴援軍裁出而太原陷賊前鋒  
過代聞公至踞朔州脅公舅氏以書喻公公立斬之賊以虛聲謀  
犯京師會元岡副將熊通貳於賊盛賊威公手斬之手提通頭腥  
血汚衣慷慨神踊集衆議曰賊且犯京師千里望風未聞騁一騎  
以扼之者我伏精銳萬乘其驕阻隘以擊之賊必創創則京師之  
圍解矣同知吳鉉不可公曰太原已破忻崞代朔賊悉有之我嬰  
奉天通志 卷二百三十二 藝文十 文徵四  
內編 文 清二 十一  
城守賊必并力困我是坐自斃也而京師且危議未定鉉陰塞門  
堅不令出公仰天歎曰唉死矣復何言賊宿憚公偵知兵不出乃  
率二十萬衆二月己卯薄城下門其四門連日夜公一士心整情  
氣輸巧墨閒捍禦以幾藉兵寇械餉卒虜肉於是僵尸溢隍熱血  
殷堞賊憤益力攻辛巳平明城東門陷公亟升埤反擊之有所指  
搗輒貫腦洞胸肉飛骨糜自成以騎邀公公曰民無罪勿殺退十  
里當見若自成伴退踞文昌閣而徒騎實充斥扼衢巷公知不守  
縋而出自成立起迎之公曰告若所以出者明殺賊購若頭吾所  
命也民無預矣速死我賊脇以刃不動瞋目如炬諄詬羣醜賊怒  
披腹出腸死年四十有四若公者保民於危以仁畢節臣德純一  
死國爲烈矣諸將聞公死愈益奮呼譟并命於是游擊將軍崔雲

及王前士呂品貴王尙慎張大選高日光俱死之楊鼎勳鼎樞兄弟者博士弟子也善火鎗當其守禦也公手簪以花曰努力賊退聞於朝及是亦死之若諸君者沈毅剛果激烈有發明斷在中誓爲鬼雄抑公有以結之也夫人劉氏集僕婢於庭曰死於賊孰若生殺賊皆曰諾乃先樓積薪爲死所然後人飲以酒操弓矢登屋大呼自辰至未射賊尸相枕藉賊震駭縱火火後垣夫人殺過當乃相率赴火死若夫人者猛鷲柔脆冠冠於笄智以輿勇外內合度抑公有以式之也賊大憤曰兵興殲我卒未有若是者毒掠數日去越四日癸未麾下材官侯劾義斂公尸葬於城東郊我朝追贈鎮守山西三關太子太保忠武將軍夫人劉氏殉難節烈夫人祠於城中街春秋祀之銘曰

奉天通志

卷二百三十二

藝文十 文徵四  
內編 文 清二

十三

建極失中皇輿傾仄沴氣公行牽正作慝獨復之行簡珠于礫野火手撲妖狐風擊與土死生違計無益乾坤載息日實月死金苦火烈各有所矢大同錄忠貴遠是視左晉右順曰祠曰祀嗣以貞孺用翼前史

同上

資政大夫輕車都尉參領衛唐李公三世墓表

李氏自朝鮮徙遼東之鐵嶺愛其風土厚遂家焉其時世皆莫可知知之自始祖英始英生文彬文彬生五子春美其長子也春美子涇涇子成梁故明太傅寧遠伯成櫜成梁之母弟成櫜子如梧如梧生二子宏訓繼先宏訓子獻箴繼先子丹箴秉箴遼陽失丹箴秉箴皆殉難無嗣而獻箴亦被掠獻箴者卽資政公也太宗皇帝旣定遼物色得公充侍衛累功授爵世襲一等騎都尉官參領

自始祖至公凡八世而公遂爲我朝建開國勳公子六向堯向舜  
向禹向文向旭向昱向堯官駐馬路參將向禹陵川令順治五年  
姜瓖反向堯向禹並死節向舜攻維揚亦戰歿公三子皆殉國喜  
於義而傷於情故未及引年而老向文遂以次襲爵向文者司寇  
公也司寇公初試官禮部副理事繼授佐領晉秩理事既嗣爵賜  
名色冷簡授正黃旗副都統六年使祭北鎮七年授刑部左侍郎  
先是漢軍任秋官多諉事不治司寇公則悉心平反孚刑於中世  
祖信重之獄上公或以事不署名嘗俟署而後可八年晉爵輕車  
都尉十年出爲蘇州副將軍左侍郎如故出師浙江明年振旅還  
又明年復出師京口防海是年卒子林隆嗣林隆者都統紹銀也  
聖祖御極之元年以本爵奉朝請八年擢副都統有詔司空集議

奉天通志

卷二百三十二

藝文十 文徵四  
內編 文 清二

十四

收天下礮留者計輕重備不虞衆莫應公對曰隆聞礮之攻城者  
率三千斤子十斤小則弱大則滯議遂定十三年鄖陽洪福叛出  
保鄖襄抵襄陽之明年調守鄖陽賊將楊來嘉陷穀城擾均州界  
都統阿彝告急鄖師赴援時我師裁六百人而均城參將曹進麟  
又謀爲內應公虛張軍實嚴其防曹不敢發而楊逆亦遁去十五  
年賊將譚洪來寇列十二營鄖東山相距久之賊忽以百餘舟順  
流下直趨城鎮安將軍噶爾漢遣師出擊不克賊舟泊琵琶灘我  
師屯山麓公進策曰相持兩月賊氣已燭無能爲也今敗其舟師  
則山麓自解矣不納公以青草口石屏風石龍窩兒皆故盜穴賊  
據之非數月不拔而我師糧不繼利速戰爭之再鎮安曰無船奈  
何公乃自往竟得船時賊於江沱壘石爲堞伏火器擊我師公偵

知之與標兵結犄角三道進分賊勢而騎步不時至遂無功公怒責不用命者明日復進騎兵前擊水師沿灘下步由南岸趨賊沱合勢奮擊兵交之際日在高春反景倒射飛鏃如雨俄頃洄波盡赤賊不支棄舟潰追至均盡獲賊舟而山營亦潰於是移駐穀城十七年委署河南提督駐彝陵公以彝陵扼衝要賊據險則秦蜀中斷乃築長壘自固謀相機定蜀十八年王師渡江取滇黔公曰蜀虛矣定蜀此其時矣致督師蔡毓榮書切言之卒不納十九年公赴萬縣與屯達貝子會重慶會萬縣譚宏受吳逆僞封反公曰譚衆烏合利急擊且請先據涪州制其通黔中路會宏死其黨推秦韜復爲亂公乃帥舟師進出銅鑼峽至木洞驛百丈梁梁突江中水分爲三梁北爲洪中大洪南平水而上游疊碎石曰緊急三

奉天通志

卷二百三十二

藝文十 文徵四  
內編 文 清二

十五

貝號最險既至抵莫嚴鼓試之賊驚公謂諸將曰賊易與耳與諸君約詰朝礮初舉集緊急三貝再舉張兩翼進三舉直前奪舟奪舟多者爲多縱者以敗論皆曰諾黎明師集礮三舉師爭奪舟賊衆大亂梁遂拔殲其魁時二十年之正月三日也明日班師還坐事罷二十九年復起授副都統噶爾旦逆命公統八旗礮出塞與侍衛阿南大偕行忽一蒙古至阿前請皇帝安旋上馬同行歡笑良久去公曰此何人使其主必叛矣目動而言肆遣游徼偵之果然衆驚服尋命督火器會賊據烏蘭布敦之東以河泥爲險聯橐駝爲壘而往來其旁爲疑兵以誘我師我師擊之不動還乃躡我後公擊以礮賊遂披靡既卻公請乘賊師可得利裕親王不可既而報失礮近賊壘公領前鋒百持矛馳十餘里得礮泥中賊遙指

擊公自爲殿賊不敢逼是役也公功爲多三十一年擢固原提督靖遠有五方寺番夷壤錯黃流爲限冰合則險失公立屯田互結法兵不增而人相保又設義學延明經厚廩餼以教子弟於是邊民爭向學剛猛之氣爲之一變或有請築黃城兒事營田者黃城兒本高昌王避暑之幹兒朶城城有二踞河東河流淤淺不能引溉午熱夜寒植物不穫且凶荒之後民業未復修築滋擾公力持不可事得寢秦民大悅聖祖親征噶爾且詔公會師塞上旣至巴勒口賊已斃舟濟藍款服命班師公策舟濟藍必奔達賴喇嘛要之可獲果獲之以歸京師三十六年擢鑲紅旗都統四十七年卒遺疏讓爵伯父向舜之子辭殊懇至聖祖驚惋遣使祭奠賜祭葬召見公孫大均授佐領襲爵嗚呼此資政公暨少司寇都統三世

奉天通志

卷二百三十二

藝文十 文徵四  
內編 文 清二

十六

之大略也資政公字我敬號衛唐順治十五年正月卒葬上清河之北少司寇公於順治十二年十月卒葬左昭都統公子紹銀康熙四十七年四月卒葬右穆資政公與錯上同七世祖爲錯從伯父錯生也晚方總角時都統姪已皤然成老翁固不及見伯父及司寇兄然篤行遺烈頗熟聞之初伯祖宏訓公篤志詩書雅不樂仕進補博士弟子員優游盤阿伯父雖幼能先意承志鄉曲異之及生子以義方教故諸子皆能殉國難瘁王事都統姪善讀書行師以律大河以南號小李將軍方其馳驅萬縣也母蘇夫人歿軍中例不得奔赴泣血馬上竟墜澗澗斗絕馬泥爛萬分絕生理都統踞石乃無恙咸以爲孝感所致云及事定還廬墓次伏苦塊嘔血幾滅性聖祖彊起之嘗御紫光閣大閱問曰若出師何處立功

對曰臣於鄖陽破譚洪重慶滅譚宏帝曰重慶若未與對曰臣以初三日破賊將軍以初六日進城時侍臣皆代之憤曰滅賊人知之胡不悉陳答曰臣職爾御前非爭功之所也所乘有名馬朝貴欲之堅不與曰受命出師而賂近臣吾不爲也嗚呼自伯父至都統姪歷三世忠孝大節炳然如日聞者靡不興起予小子爲一本之親故又能悉其行誼如此都統姪有子曰焯焯字在中美風儀尙遠略歷官參領聖祖深器之日左右侍都統有事入告輒命焯以聞旣而以家事得罪累繫累釋今在中年七十餘猶矍鑠善飯瀕死者數卒得免異哉一旦致余言曰國有史墓有表舊已祖父立三世功旂常有紀而子孫無聞焯之責也然家中落樹石墓當不可得請爲文以先之俟後之子若孫繼其志噫在中老矣顧其

奉天通志

卷二百三十二

藝文十 文徵四  
內編 文 清二

十七

志之遠也猶若此可喜也而傷之矣乃系之銘曰

離德耀震精芒附揭我祖我伯電擊神扶四位載孚永疑輔佛桓桓宗子屢何天畢田狐三獲仁止雕鍛帝曰爵女錫女赤芾嗣克承義咸貞厥節太行匪高大江匪潔惟忠惟武赫濯艱脆澤不卒斬瓜衍其賦勇踵超軌陵不廣咈火爇郟巴用灰雙槩北山巖巖清河澗澗示我子孫永昭鴻烈

同上

### 焦明子傳

焦明子者東海人其先人客蜀而生焦明子故焦明子生而卽爲客及長十九走天下中歲至盤山樂之遂卜居廬峯之陰而後焦明子不爲客焦明子雅好山水雖旅游必采入之嘗艤舟采石旣夕江月起鼓櫂中流命琴客彈大雅扣舷以應其節水宿者皆起